

Regionalna izborija 2026

Ko datum 13 Septembar 2026 tane o regionalna izborija. Ked glasineja ko izborija, tegani anela pe odluka kola političarija ka bešen tane ko Region Stockholm štar berš.

Sose tane o regionalna izborija?

O regionalna izborija šaj te prominen but buča ko to obično dive. O Region Stockholm isi olje odgovornost baš o sastipe hem medicina, kolektivno trafika, regionalno progresi hem barvalo kulturno divdipe.

Sar šaj to glasibe te promini o buča?

Tu ked glasineja šaj te promine kola partije hem političarija ka bešen hem ka anen odluke ko Region Stockholm. O regionalna političarija anena odluke ko:

- sar o pare ko Region Stockholm te koristinen pe
- kobor o regionalno porezi te ovel
- sar o sastipe, medicina hem kolektivno trafika te oven
- kola političarija ka bešen, ki savi sekcia.

Ko šaj te glasini?

Tu so isi tut pravo te glasine ko regionalna izborija:

- phereja 18 berš najkasno ko izbornu dive,
- isi tut Švedsko državljanstvo hem isi tut ti adresa ko Stockholm regioni ja
- isi tut državljanstvo ki jekh EU-phuv, Island ja Norveška hem isi tut ti adresa ko Stockholm regioni, ja
- isi tut državljanstvo ki jekh phuv, ja hijan bizo phuv, hem hine tut adresa ki Švedska najhari trin berš angljeder o izborija, hem isi tut ti adresa ko Stockholm regioni.

Akala pravilija važinena tuče so živineja ki Švedska ja dijekh aver phuv, ama isi tut ti adresa pana ki Švedska.

Sar ka ovel sa akava?

Tu šaj te glasine angljeder, kotar 26 Avgust di ko izboresoro dive.

O regionalno izborija tane 13 Septembar, isto ked hem o parlamentarno hem o komunalno izborija.

Ked o glasibe završini tegani denena pe o glasija. Prvo denena pe o glasija kotar parlamentarno izborija, palo odova denena pe o glasija kotar komunalno izborija hem ko krajo denena pe o glasija kotar regionalno izborija. Preliminarno izborni rezultati publicirini pe isto rat ko Valmyndighetens internet than, val.se

O Länsstyrelsen denela o glasija, vačeri o izborni rezultati hem delini o mandatija ko regioni.

Tu šaj pobuter informacia te čitine ko Valmyndighetens internet than.